

Oktober 2021

## RUSLAND SONDER PASSIESPEL

09 – 21 Julie 2022

### NADERE BESONDERHEDE

**PRYS: R35 880 plus ± R8 440 vir lughawebelasting en footjies asook koste van reisversekering.**

#### INGESLUIT BY DIE TOERPRYS:

- Vlieg op **09 Julie** met Lufthansa: **Johannesburg – Frankfurt**
- Vlieg op **10 Julie** met Lufthansa: **Frankfurt – Moskou**
- Opwindende bootvaart van Moskou na St Petersburg
- Stadstoere van Moskou en St Petersburg asook besigtigingstoere en uitstappies o.l.v. plaaslike gidse by vasmeerplekke waar aan land gegaan word. Die boot bied talle opsionele uitstappies vir passasiers aan. Van hierdie uitstappies, ter waarde van meer as **R6 000** word uit die staanspoor by CvW-Toere se toerprys ingesluit. Sien OPSIONELE UITSTAPPIES
- Talle ekstras in die vorm van eg-Russiese opvoedkundige, vermaaklikheids- en ontspanningsgeleenthede.
- Drie etes per dag op die boot
- Voltydse, Engelsspreekende Russiese toergids aan boord
- Tweetalige Suid-Afrikaanse toerleier(s) vergesel groep
- Vlieg op **20 Julie** met Lufthansa: **St Petersburg – Frankfurt – Johannesburg** vir aankoms in Suid-Afrika op **21 Julie**

#### NIE INGESLUIT BY DIE TOERPRYS NIE

- Lughawebelasting/brandstofheffing: Ongeveer **R7 030**
- Footjies vir gidse, busbestuurders en hotel/bootpersoneel. U betaal dit vooraf in Suid-Afrika sodat u nie u sakgeld gedurende die toer daarvoor hoef te gebruik nie. Die footjies beloop ongeveer **R1 410**
- Reisversekering, waaroor u later volledige besonderhede sal ontvang
- Bybetaling vir enkel-akkommodasie (indien van toepassing): Sien ENKELVERBLYF Junior Suite is beskikbaar teen 'n bybetaling van **R10 800** per suite (2 persone)
- Binnelandse aansluitingsvlugte: Bespreek en betaal dit self of reël deur ons reisagent, Benita Venter van Fernweh Travel
- Vervoer na en van Johannesburg en ander binnelandse lughawens.
- Persoonlike uitgawes soos telefoonoproepe, aandenkings, drankies, ekstra verversings, opsionele uitstappies (Sien OPSIONELE UITSTAPPIES) ens.

#### ENKELVERBLYF

Toerlede kan enkelverblyf in 'n dubbelkajuit op die boot kry, mits hulle bereid is om 'n bedrag by te betaal.

**Enkelverblyf op boot: ± R11 520**

Daar is nie enkelkajuite op die boot in Rusland beskikbaar nie. Die bybetaling is dus vir die **enkelgebruik van 'n dubbelkajuit**.

**Bybetaling vir 'n enkelpersoon in 'n junior suite: ± R22 320**

#### OPSIONELE UITSTAPPIES

In Rusland is feitlik alle opsionele toere wat deur die boot aangebied word, uit die staanspoor by CvW-Toere se toerprys ingesluit. Behalwe vir die stadstoer in Moskou, wat 'n besoek aan die Kremlin en die Rooiplein insluit, is die volgende uitstappies in Moskou ook by u toerprys ingesluit: Besoek aan die *Armoury* (wapenkamer) en 'n besoek aan die ondergrondse treinstasies en Arbat-straat. 'n Opsionele besoek aan die **sirkus** (± 77 euro) – indien daar 'n vertoning is – kan vir belangstellendes gereël word. Die uitstappie **Moscow by night** (± 37 euro) is ook **opsioneel** en word op die boot in Rusland betaal.

In St Petersburg is 'n stadstoer, besoek aan die Hermitage-museum, die *St Isaac*-katedraal, Peterhof (die tuine en somerpaleis van tsaar Peter die Grote) asook 'n folklore-vertoning by u toerprys ingesluit. 'n **Balletvertoning** is **opsioneel** (± 120 euro) en sal slegs realiseer indien daar op die betrokke aand 'n uitvoering is.

'n Middagete in 'n plaaslike restaurant word spesiaal gereël en by die toerprys ingesluit, sodat toerlede 'n eg-Russiese maaltyd kan geniet.

### BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die prys van die lughawebelasting is aan die wisselkoers en brandstofprys gekoppel en word bepaal op die dag wat u vliegkaartjie(s) uitgereik word.

### INSKRYWING

Vul asseblief 'n Inskrywingsvorm in, al het u dit reeds voorheen gedoen. Sodoende kan ons seker maak dat ons u mees onlangse besonderhede het en dat daar nie verwarring ontstaan nie.

'n Inskrywing is geldig wanneer ons u deposito **tesame** met die Inskrywings- en Vrywaringsvorm ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

### TOERDEPOSITO

Die toerdeposito van **R8 000 per persoon** is met inskrywing betaalbaar.

### FINALE BETALING

Die volle toerprys plus alle ander geld (fooitjies, versekering ens.) vir die toer moet vóór **09 Maart 2022** betaal word. Indien u ná 09 Maart inskryf, moet u die volle toerprys betaal sodra u Omsendbrief 2 met 'n Verdelingsvorm (rekening) kry.

### WYSE VAN BETALING

- ▶ Vliegkaartjies en lughawebelasting kan per kredietkaart of direk aan CvW-Toere betaal word. U sal op die Vliegkaartjiesbestelvorm wat u met omsendbrief 1 ontvang, u keuse van betaling kan invul.
- ▶ **Bankdeposito/EFT:** word deur inbetalings/elektroniese oorplasinge aan CvW-Toere gemaak.
- ▶ **Kredietkaartbetalings:** Dit is moontlik om betalings met 'n kredietkaart via CvW-Toere se webblad ([www.travelentoer.co.za](http://www.travelentoer.co.za)) te maak. **BELANGRIK:** 'n Bankdiensfooi van **4% van die bedrag** geld vir kredietkaartbetalings via die webblad. **Hierdie bedrag moet deur inbetalers bereken en ekstra betaal word. Aangesien dit die toerprys onnodig duurder maak, beveel ons dit nie aan nie.**
- ▶ **Kontant-inbetalings:** Alle geld wat in banknote in 'n bank inbetaal word, moet die ekstra kontant-inbetalingskoste insluit. Vra u bank hoeveel dit beloop (ongeveer **1% van die inbetalingsbedrag** kan hiervoor begroot word).
- ▶ Ons aanvaar ongelukkig nie meer kontant by die kantoor nie. Betaal asb kontant by Standard Bank in.

### Bankbesonderhede:

**Christine van Wyk-Toere**

**Standard Bank Tjekrekening** (Lopende rekening / *Current account*)

Takkode: **051001**

Tjekrekeningnommer: **410 722 782**

**NB: Gebruik u voorletters en van as verwysing met betalings (nie die toer se naam/u noemnaam nie).**

### KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

#### Terugbetaling van Toerdeposito

Ingeskrewe toerlede wat vóór **09 Februarie 2022** skriftelik kanselleer, kry **R7 500** per persoon van die toerdeposito terug. Toerlede wat **daarná, tot 09 Maart 2022** kanselleer, kry **R7 000** per persoon terug. **Ná 09 Maart 2022** word **geen deposito's** terugbetaal nie.

Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **09 Maart 2022**), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasedekking voorsiening maak, uitgeneem is, kan u, indien u moet kanselleer, u geld van die versekeringsmaatskappy terugeis. Dit geld slegs indien die rede vir kansellasië kragtens die polis aanvaarbaar is.

**Toerdeposito's van toerlede wat kanselleer, word terugbetaal na afloop van die toer.**

**Indien die toer weens omstandighede buite ons beheer, soos bv. die sluiting van landsgrense, nie kan plaasvind nie sal die toer uitgestel word.**

### **Vliegkaartjies en eie vlugte**

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan u die prys van die groepvlugkaartjie van die toerprys aftrek. Die bedrag ter sprake is: **R4 230**

### **Wegbrekers**

Dit is moontlik om voor of na afloop van die toer op u eie te reis (met ander woorde van die bestaande toerprogram weg te breek). U kan steeds die groepvlug gebruik, maar u moet u vlugte met Benita van Fernweh Travel bevestig. Die lugdiens hef 'n **wegbrekersfooi** van ongeveer **R500** indien u u groepvlug wil aanpas.

Kontak **Benita (verkieklik per e-pos)** vir meer inligting en reëlings in verband met wegbreekvlugte.

#### **Kontakbesonderhede:**

**Benita Venter, FERNWEH TRAVEL**

**E-pos:** benita.venter1@gmail.com

**Tel:** 072 935 3679

### **PASPOORTE (DRINGEND!)**

**Maak asseblief seker dat u paspoort vir minstens 6 maande ná u terugkeerdatum uit Rusland geldig is.** Daar moet minstens twee skoon bladsye in u paspoort wees vir doeanestempels. Wegbrekers het meer skoon bladsye nodig.

**LW: Dit neem tyd om 'n nuwe paspoort by Binnelandse Sake te kry.** Doen betyds aansoek vir 'n nuwe paspoort, indien van toepassing.

### **Minderjariges wat saam met u reis (Indien van toepassing):**

**BAIE BELANGRIK:** Minderjariges word nie toegelaat om internasionaal te reis sonder 'n *unabridged*-geboortesertifikaat nie. 'n *Unabridged birth certificate* verskil van die standaard-geboortesertifikate wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

### **Omsendbriewe**

U ontvang binnekort Omsendbrief 1 met onder andere besonderhede in verband met klere wat u moet saamneem. Daarna ontvang u nóg omsendbriewe met nuus en inligting. **Laat weet ons asseblief indien enige van u kontakinligting soos adres, e-posadres of telefoonnommer(s) verander.**

### **Gesondheid en toerfiksheid**

Dit is vanselfsprekend dat iemand wat oorsee wil reis se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie is 'n besige toer en toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heeltyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus en boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap.

U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap.

Indien u nie aan hierdie riglyne voldoen nie, of voltyds bystand nodig het, **MOET** u iemand saamneem wat na u kan omsien.

### **COVID**

Dit blyk dat 'n bewys van inenting teen die Coronavirus ('n sogenaamde 'inentingspaspoort') voortaan noodsaaklik vir internasionale reis sal wees. Dit kan ook wees dat 'n negatiewe Covid-toets 48-uur voor vertrek voldoende is. Daar is nog geen amptelike verklarings hieroor uitgereik nie, maar hou dit solank in gedagte. Ons sal u op hoogte van die verwickelinge en vereistes hou.